

忍·樂·慧·觀。及以所見。此名邪見。此三種見名爲見結。云何勝執結。二種勝執名勝執結。云何爲二。一見勝執。二戒禁勝執。云何見勝執。謂於五取蘊隨觀爲最爲上爲勝爲極彼。以爲因。忍·樂·慧·觀。及以所見。此名勝執見。云何戒禁勝取。謂於五取蘊。隨觀爲淨爲解脫爲出離彼。以爲因。忍·樂·慧·觀。及以所見。此名戒禁勝取。此二種勝取名勝執結。云何疑結。謂於諸諦猶豫爲性。云何疾結。心亂爲性。云何慳結。心執爲性。是故說爲諸結。言繫縛者。所說諸結彼亦名縛。然縛有三種。謂貪縛·瞋縛·癡縛。故說爲縛。言微廣者。謂七微廣。云何爲七。一貪微廣。二瞋微廣。三有欲微廣。四慢微廣。五无明微廣。六見微廣。七疑微廣。云何貪微廣。五種微廣名貪微廣。云何爲五。謂欲界所繫見苦所斷所有貪欲。欲界所繫見集滅道及修所斷所有貪欲。此五微廣名貪微廣。云何瞋微廣。此五種微廣名瞋微廣。云何爲五。謂見苦所斷所有瞋恚見集滅道及修所斷所